

Hainbat arlotako aurpegi ezagunek bat egin dute presoen aldeko deialdiarekin

Milaka manifestariren artean jende ospetsu ugari ere egin zuen ibilbidea

Asier Iturriagaetxebarria / Bilbo

EUSKAL HERRIKO kultura-ko eta kirol munduko hainbat aurpegi ezagun izan ziren atzo euskal presoen alde Bilbon egin zen manifestazioan. Kantariak, pilotariak, harri-jasotzaileak, EHUKo irakasleak, sindikatuetak jendea eta kulturako beste ekintzekin erlazioa duten hainbat pertsona ezagunek ez zioten muzin egin atzoko deiari, nahiz eta Bizkaiko hiriburuan arratsalde osoan izan zen euri jakas etxerako giro hobe jarri zuen.

Euskal Herriko jendearentzat ezagunak den makina bat famatu izan zen atzo Bilbon presoen aldeko manifestazioan, haiek ere presoak Euskal Herrian izan behar dutela uste dutelako.

Bakoitzak bere arrazoiak zituen atzoko ekitaldian parte hartzeko. Batzuek lagunak dituzte presondegitan; beste batzuk, berriz, presoen senideek zer pairatzen duten jakinda, elkartasunagatik izan ziren atzoko manifestazioan.

Ez zen erraza horrenbeste jenderen artean aurpegi ezagunak ikustea. Izan ere, aterki, zira eta euritarako txapelen azpian ezkutatzen ziren famatuak. Hala ere, batzuekin hitz egitea lortu genuen, eta manifestaziora zergatik etorri ziren azaldu ziguten.

Jende artean zeuden, besteak beste, Ruper Ordorika abeslaria, Rosa Aguilar, Karmelo Ariznabarreta pilotaria,



Manifestazioaren bigarren pankartaren atzean joan ziren gizarteko hainbat sektoretako ordezkariak.



Emilio Olabarria CGPJko partaidea.



Rafa Díez LABeko idazkari nagusia.

Rafa Díez • LABeko idazkari nagusia



«Ondorioak ateratzen ez badituzte, agerian geratuko da jarrera antidemokratikoa»

► «Ikusgarria da erantzuna. Sektore asko elkarrekin ari gara presoen eskubideak defendituz; horrez gain, ikusten da herri hau mar txan dagoela eta hori da inportantea. Espainiako Gobernuak ikusi behar du Euskal Herrian dagoen oihua: Euskal presoak Euskal Herria. Ondorioak ateratzen ez baditu, argiago ikusiko da duten jarrera antidemokratiko».

Rosa Aguilar • IUko diputatua



«Hurbilketa funtsezkoa da bakea eraikitzeko prozesuan»

► «Bilbon nengoen, eta ezin nintzen etorri gabe geratu. IU manifestazio honen antolatzaile da; izan ere, beti egon gara presoen hurbiltzearen alde. Orain are gehiago, hurbiltzea bakea eraikitzeko funtsezko bihurtu baita. Komenigarria litzateke Gobernuak kontu hartzea. Konturatu behar da jendeak kalea hartu duela bakea eraikitzeko eta horretarako beharrezkoa den hurbilketa egitea aldarrikatzeko».

Manu Marañon • EHNEko kidea



«Oso pozik nago manifestaziora etorri den jendetza ikusita»

► «Ni neu oso pozik nago hona etorri den jendetza ikusita. Nik, bereziki, euskal preso politikoa den anaia bat daukat Alcala Mecoko espetxean. Madrilek ez dauka beste irtenbiderik. Euskal Herriko biztanleriak eskatzen duena entzun behar du. Ez dago beste biderik hau egitea baino. Euskal presoak Euskal Herria ekarri distentsioa egongo da, eta bakegintzan pausoak eman ahal izango dira».

Lolo Rico • Madrilgo Foroko kidea



«Euskal Herriak bere helburuak lortuko ditu»

► «Madrilgo Foroko ordezkari gisa nago hemen, ekimen hau babesten baitugu, herri honek dituen helburuak lortzea nahi baitugu. Erantzuna oso ona izan da. Hau da preso politikoek merezi duten erantzuna. Herri honek hasi duen prozesua geldiezin da eta fede txarra egon arren, hau gelditu nahi duten arren, Euskal Herriak helburuak lortuko ditu. Madrilgo foroak presoena lortzea nahi du bake prozesua hasi ahal izateko».

Zelai harrijasotzailea, Jose Julian Bakedano Arte Ederretako Museoko zuzendariordea, Lolo Rico telebistako errealizadorea eta Manu Marañon EHNE sindikatuko kidea. Noski, askoz gehiago ere izango ziren, baina Bilbon atzo izan zen jendetza artean inor ikusi eta ezagutzea ez zen lan erraza.

Manu Marañon EHNE nekazaritza sindikatuko kideak, beste askok bezala, ez zion muzin egin atzoko deiari, eta beste edozein hiritar bezala izan zen manifestazioan, lagun batekin. Marañonek bazuen arrazoirik Bilbon izateko, haren anaia bat Alcala Mecoko espetxean baitago. Ez zen hori arrazoi bakarra; haren ustez, «Euskal Herrian bakea izatea oso mesedegarria izango da base-ritarrentzat».

Kirolariak ere izan ziren presoen eskubideen eskubideak aldarrikatzen. Besteak beste, Karmelo Ariznabarreta pilotaria izan zen, bere bikotekideak lagunduta. Galdakaoko pilotariak azaldu zigunez, atzokoa «pauso bat» baino ez zen izan. «Azken hoge urte hauetan gertatu dena ezin da hemen bukatu», adierazi zuen Ariznabarretak. Zelai harrijasotzaileak, berriz, hau azpimarratu zuen: «Euskal presoek aspaldi behar lukete Euskal Herria». Era berean, «abertzalea izanik manifestaziora joatera derrigortuta» zegoela esan zuen, eta alderdi abertzaleak batuta egotea «oso garrantzitsua» dela.

Presoen senideei «elkartasuna erakusteko» joan zen jende famatua ere aurkitu genuen. Jose Julian Bakedano Arte Ederretako Museoko zuzendariordeak lagunak ditu presoen zenbait senide, eta haiek urteetan pairatu behar izan dutena izan zuen gogoan.